

TE HEHEURAA API



FEBUARE 1939

NO TE AHA?

NO te aha te mau faahemaraa a te Diabolo i faatia-hia'i?

E mihi e te oto rahi to te mau tamarii a te Atua e rave rahi no te mea ua vî ratou i te mau faahemaraa a te Diabolo. Te mau Peresideni Ekalesia, te mau Orometua, te mau Pope, tatou atoa e hope roa'e tei tia ia ite i te auraa o te mau ture, ua hara ia.

Na hea, ua mauruuru anei te Atua, to tatou Metua, ia faaotooto-noa-hia to'na mau tamarii i te mau faahemaraa? Aita anei Oia e oto ia hara te hoê noa'tu o to'na ra mau tamarii? No te aha Oia i faatia, e no te aha Oia e faatia nei, e no te aha Oia e faatia â ia farerei to'na mau tamarii i te mau faahemaraa i te mau mahana atoa? No te aha aita Oia i tamamu i te Diabolo, ia faaorehia ta'na mau faahemaraa, ia ore to'na mau tamarii ia faaoto-noa-hia? Ua iti anei To'na mana i to te Diabolo? Eaha te pahonoraa no teie mau *no te aha?*

E taria to'na ei faaroora, ia faaroo oia.

E haamaitai rahi te mau faahemaraa e te faufaa hoi.

I teie nei ra, te faaroo nei au i te tahi mau taata i te uiraa mai, ma te maere rahi, i te na ôraa e: *Eaha hoi te maitai e te faufaa no te faahemaraa a te Diabolo? Aita anei tatou e pure tamau nei ia paruruhia tatou ia ratou?*

Ia feruri maite tatou. Eaha tatou i tuuhia mai ai i te ao nei, maori ra ia tamatahia?

(a hi'o i te tuatiraa i te apî 30)

EDITORIALE

TE TUMU O TE MAITAI E TE INO

“E a’o atu vau ia outou i tei roto i te ekalesia, e tei pee atu i te Mesia ma te hau, e tei roaa ia outou te tiaturiraa e navai ia e ô ai outou i roto i te faaeearaa o te Fatu, mai teie nei atu â e ia faaea outou e oia atoa i te ao ra.

“Te haamana’o nei au i ta te Atua ra parau, E ite outou ia ratou i ta ratou ohipa. Ua oti i te parauhia e te Atua e, O te taata ino noa’i, aore i tia ia’na i te rave i te mea maitai ra; ia hopoi hoi oia i te mea horoa noa e ia pure hoi oia i te Atua ma te mana’o ore, e ore oia e faufaahia e hoê iti a’e. Inaha hoi, aita’tura ia te reira e haapaohia ei parau-tia na’na ra.

“No reira, te mau mea maitai atoa ra, no ô mai i te Atua ia: e te mea ino, no te diabololo mai ia: e enemi hoi te diabololo i te Atua, e te tama’i noa maira ia oia ia’na, e te parau maira e te taparu noa maira oia ia rave i te hara e te mea au ore ra.

“Inaha râ, o ta te Atua, o te parau maira ia e te faaitoito noa maira ia i te rave tuutuu ore i tei maitai; no reira, o te mau mea atoa te parau mai e te faaitoito mai ia rave i tei maitai, e ia hinaaro i te Atua, e ia tavini ia’na, o tei faatupuhia ia e te Atua ra. No reira, a ara maite, ia ore outou ia mana’o i te mea ino mai te mea ra e, no ô mai ia i te Atua, e ia ore hoi outou ia mana’o i te mea maitai e te mea no te Atua ra mai te mea ra e no ô mai ia i te diabololo ra.

“Ua roaa ia outou te mana e ite ai outou i te maitai e te ino; e mea papu roa te ravea e ite-maitai-hia’i te maitai e te ino; e au ia i te papu ra o te ravea e itea’i te maramarama mahana e te po pouri ra. Ua horoa-noa-hia mai te Varua o te Mesia i te mau taata atoa ra ia ite ratou i te maitai e te ino; no reira te faaite atu nei au ia outou i te ravea e taa ê ai; o te mau mea atoa hoi te titau mai ia rave i te maitai, e te titau hoi ia faaroo i te Mesia, ua haapaohia mai ia i te mana e te hamani maitai a te Mesia; no reira e tia ia outou i te ite papu roa e, no ô mai ia i te Atua ra; O te mea râ i titauhia’i te taata ia rave oia i te mea ino, eiaha oia e faaroo i te Mesia, e ia huna ia’na, e i tapeahia’i eiaha e tavini i te Atua, ei reira e ite papu roa’i outou e, no te diabololo ia, e ua na rei-

ra h
ia r
atoa

“E
tou
mai
ino;
ia o
tau
ia it
mar
ra, i

A
raa

- 1.
- 2.
- 3.
- 4.
- 5.
- 6.
- 7.
- 8.
- 9.
- 10.

Mat

”

”

”

ra hoi te diabol o i te rave i te ohipa, aita roa hoi oia i titau ia rave te hoê taata i te maitai, aita'tu ia e hoê iti a'e; aita atoa ta'na ra mau melahi; aita atoa tei auraro ia'na ra.

"E teie nei, te ite nei outou i te maramarama e tia'i ia outou i te ite tia, e no te Mesia taua maramarama ra, e haapao maitai eiaha e hapa noa'tu i te faataa-ê-raa i tei maitai e tei ino; o ta outou hoi e faaino ia vetahi ê ra, e faaino-atoa-hia ia outou i te reira. No reira, te ani atu nei au ia outou ia titau maite i te maramarama no te Mesia ma te tuutuu ore, ia ite outou i te maitai e te ino: e e tapea mai outou i te mau mea maitai atoa, aore e faahaparaa'tu ta outou i te reira, ua riro mau outou ei tamarii a te Mesia ra." (Moroni p. 7)

A tai'o i te Buka a Moromona ia ite i te tumu e te au-raa no te ora.

TE PARAU AUTAHU'ARAA

No te Ava'e MATI

TE MAU TAATA TUIROO O TE FAUFAA TAHITO

A FAATAN O I TEIE MAU UIRAA I NIA I TE MAU TAATA'TOA E HAAPIIHIA

1. E peropheta anei oia ?
2. Ua tohu mai anei oia i te tahi mau tohuraa ?
3. Ua tupu anei ta'na mau tohuraa ?
4. Eaha te huru o to'na maitiraahia ?
5. Eaha te mau ohipa i faa taahia na'na
6. E mea tia anei to'na raveraa i ta'na ohipa, e a ore râ, aita anei ?
7. Eaha te tumu i na reira'i oia ?
8. Ua mauruuru anei te Atua ia'na ? No te aha ?
9. Eaha te rê i roaa ia'na ?
10. Eaha te faufaa rahi no to'na ora ?

Mati te 5. ISAACA. (oia hoi te ata nei oia.) Genese 22; 24; 25.

" 12. IAKOBA e o ESAU. Genese 25:21-23, 27-33, 45-50; 26:34, 35.

" 19. IOSEPHA. Genese p. 37-50.

" 26. Hi'opoaraa.

Na Te Mau Maapii

Mahaere na te Mau Utuafare

TE FAITO NO TE PAIETI MAU

Ua tia ia tatou, i te rahiraa o te taime, ia ite i te huru o to te hoê taata mana'o no nia i te hoê mea, na roto i te hi'o-maite-raa i te rahiraa o te moni ta'na e tuu i roto i taua mea ra. Oia ia, i parauhia e, e itehia te faito o to te taata paieti i te huru o te roaaraa mai ta'na moni, e i te huru o to'na haamauaraa'tu i te reira.

Te tumu matamua no te mau haapaoraa atoa, o te faaroo papu i te vai-mau-raa o te Atua ia; e te tamataraa mau o taua faaroo ra, o te horoa-noa-raa i ta tatou mau faufaa ia. Na roto i taua tamataraa ra e tia'i ia tatou ia haava i te huru o te paieti o to te ao atoa nei.

Ia hi'o tatou i te paieti o to te ao nei e itehia te hoê parau mau maere rahi, oia hoi, ua rahi a'e te moni i haamau'ahia no te hoo mai i te avaava i to tei aufauhia no te turu i te mau ekalesia atoa.

Aue te hape rahi e! Ua tano roa, i teie vahi, ia ui tatou i to te ao atoa nei, i tei papaihia i roto i te Malaki, pene toru, irava vau:

E haru anei te taata nei i ta te Atua?

Aita'tu e pahonora a tia, maori râ, Oia mau; ua haru te taata i ta te Atua, e te haru noa nei â hoi, ia tia ia ratou ia faaino i to te Atua hiero, oia hoi, te tino o te taata nei. (I Korinetia 3:16)

Eaha hoi ta tatou, to te Ekalesia o Iesu Mesia nei, pahonora a i taua uiraa ra? Eaha ta oe iho pahonora a ia uihia oe e, te haru nei anei oe i ta te Atua?

Noa'tu e, eita te Ekalesia e tapea i te meloraa o tei ore i aufau atu i ta ratou tufaa ahuru, te faaere nei ratou ia ratou iho i te mau haamaitairaa a taua Ekalesia nei.

I na ô maira te Atua e, *Hopoi mai na outou i te ahuru atoa o te mau tao'a - - e tamataraa te reira ia'u nei, - - i te oreraa vau i te iritiraa i te mau haamaramarama o te ra'i, a ninii atu ai i te tao'a rahi roa ei maitai no outou.* (Malaki 3.10)

Eaha ra taua tao'a mai roto mai i te haamaramarama o te ra'i ra? E tao'a no te pae tino ana'e anei? Aita ia; Te vai

noa r
ahuru
teie v
i Ta'
tou I
te tao
tou m
aita r
ta ma
ea o
O t
tupu
pao r
Eia
raa te
ma te
No
paieti
Ea
Te
ra te

O o
tai faa

TE
hine
tai-hi
te m
atoa
i tei
fare t

noa nei te tahi maa taata rii o te haapao mau i ta ratou tufaa ahuru; o ratou ia te tia ia haamaramarama mai ia tatou i teie vahi, no te mea e, o ratou ia tei tamata Ia'na mai te au i Ta'na parau. E te na ô mai nei ratou e: *E, ua tamata matou Ia'na e ua ite matou i To'na parau-tia; ua farii matou i te tao'a rahi mau: ua reva te tama'i e te amahamaha i to matou mau utuafare, e ua monohia mai i te hau e te aroha. E aita matou i ite e mea nahea ra, ua tia râ ia matou ia haapee i ta matou mau tarahu atoa, mai te mea ra e, ua faarahihia te toea o ta matou moni.*

O te eia i ta te Atua tufaa e eia atoa oia i ta to'na taata tupu; no reira ia haapii tatou i ta tatou mau tamarii ia haapao ratou i te tufaa ahuru e ia tamau â ratou i te ohipa afaro.

Eiaha ra tatou e aufau i te tufaa ahuru ma te nounou-noaraa te tahi horoaraa mai na te Atua, ia horoa râ tatou i te reira ma te aau tae, te aroha e te oaoa. (E tai'o i te Mataio 6:2)

No reira ia haamana'o â tatou e, *e itehia te faito o to tatou paieti i te huru o to tatou haamau'araa i ta tatou moni.*

Eaha te faito o to paieti?

Te haamau'a nei anei oe i ta te Atua i te avaava, e a ore ra te ava?

TE SOTAIETE VAHINE TAUTURU

No te Ava'e MATI

Irava tamau aau: Mataio 5:13

O outou te miti o te fenua: area ia ma'aro te miti ra, eaha te mea e tai-tai faahou ai. Ua riro ia e mea faufaa ore, e e taataabihia e te avae taata.

Mahana Maha (Matamua)

TE MAU OHIPA: Te iritiraa mana'o e te maitiraa i na tuahine hahere ra, ma te faaite atu ia raua e, ia faaineine-maitai-hia te parau evanelia i maitihia no ta raua hahereraa, o te mau'ahia to raua taime e te taime a to te mau utuafare atoa ra. Ia haapao raua i tei papaihia i te apî 28 a faariro ai i tei papaihia i te apî 29 ei parau evanelia no to te mau utuafare ta raua e farerei.

Mahana Maha (Piti)

PARAU FAAITE NA TE OROMETUA: A faaineine ai oe i teie mau haapii-raa nei, a haapao maitai i tei papaihia i te apī 29.

Te Aposetolo ra o Anaderea. (Ioane 1:35-45)

1. E taata imi parau mau e te mana'o afaro hoi, ahiri aita, aita ia oia i riro ei pipi no Ioane Bapetizo. (Ioane 1:35-45)
2. Eite rahi to'na no te mau mea o te pae varua; e faaroo rahi hoi to'na. Ua pee oia ia Iesu ma te tapitapi ore. (Ioane 1:37)
3. E taata haapao i te vai-maitai-raa o vetahi ê. (Ioane 1:41, 42)
4. Aita to'na tuiroo i au i to Petero i parauhia'i oia e, te taeae o Petero. (Mataio 4:18; 10:2; Ioane 1:4)
5. Ua faatura o Philipa ia'na ra. (Ioane 12:20-22)

Mahana Maha (Toru)

Te Aposetolo ra o Natanaela, (oia hoi, *Ua horoa te Atua, ia iritihia*) *Te ati Iseraela mau, aore e hara o roto ia'na ra.* (Ioane 1:47)

1. E mea papu roa e, hoê â taata oia e o Baretolomea. (Luka 6:14)
2. Hoê parau maere mau. (Ioane 1:49)
3. Tei hea to'na parahiraa? (Ioane 21:2)
4. E taata huru feaa paha. (Ioane 1:46)

Parau tauturu: Mataio 10:3; Mareko 1:45-51; 3:18.

Mahana Maha (Maha)

Ia riro teie nei mahana ei mahana tahoêraa na roto i te ohipa amui e maitai ai. Mai te mea e, eita e tia ia outou, to te Sotaiete Vahine Tauturu, ia vaiiho i ta outou iho mau ohipa no te hoê mahana i te ava'e e rave i te ohipa o to outou pūpū, ia faarahihia to outou mau ravea no te tautururaa i tei roohia i te ati, ua au ore roa outou ei melo no te Sotaiete Vahine Tauturu. Na te Peresideniraa o te Sotaiete e imi i te ohipa e maeae.

OHIPA NO TE AVA'E MATI.

Te faaroo nei matou e, o taud mau faaueraa ra: te matamua ra, o te faaroo ia i to tatou Fatu ia Iesu Mesia; te piti ra, te tatarahaparaa ia; te toru ra, te bapetizoraa ia i raro i te pape ia matara te hara; te maha ra, te tuuraa o te rima ia no te horoaraa'tu i te Varua Maitai.



TE FAAROO.

TE FAAROO e te OHIPA: E tia noa hoi te hoê taata ia parau mai ia'na e, E faaroo to oe, e ohipa hoi ta'u; a faaite mai na oe i to oe faaroo, aore e ohipa ra, a faaite atu ai au ia oe i to'u faaroo i ta'u nei ohipa. Ia ite mai ra oe, e tera ra taata mana'o ore e, o te faaroo aore e ohipa ra, e faaroo pohe ia.

IAKOBO 2:18, 20.

ІАКОВО 2:18, 20.

Na faaroo e piti ra e vai nei i roto i te ao nei, oia hoi, te faaroo ora, e te faaroo pohe. Mai te mea e, e parau mai te hoê taata e, e faaroo to'na i te Atua e aita oia i rave i te ohipa maitai, ua faufaa ore to'na faaroo; o te faaroo pohe iā. Ia tamau noa ra te taata i te rave i te ohipa maitai, e faaroo mau to'na. *Eaha te faufaa, e au mau taeae, ia parau mai te hoê, e faaroo to'na e aore ana e ohipa, e ora anei oia i te faaroo? Ia faaroo mau ra te taata e rave mau oia i te ohipa, e e ite ihoa te taata e tu'na ra ohipa.* (Mataio 7:20)

Te Mau Uiraa: 1. Eaha te faaroo ? 2. Eaha na huru faaroo e piti ? 3. Eaha te huru o te faaroo pohe ? 4. Ua faufaa-ore-hia te faaroo i te aha ? 5. Eaha ta te taata ravea ia ite i te Atua ? 6. E faaitēhia mai te faaroo na roto i te aha ? 7. Na te aha e aratai te taata i te mau ohipa atoa ?

—♦—

Haapiiraa Piti No Nia I

TE TATARAHAPA

PARAU TUMU: Te faaroo nei matou e, o taua mau faaueraa ra,— (3) te baptizoraa ia i raro i te pape ia matara te hara.

Ua titaunhia te baptizoraa i te mau taata atoa, hou ratou e tomo ai i roto i te basileia o te Atua. O te reira ia te uputa, e eita roa te hoê taata e tae i roto maori ra e haapao oia i taua ture nei. *Ua parau atura Iesu, Amene, amene, e parau atu vau ia oe, Ia ore te taata ia fanau i te pape e te Varua, e ore oia e o i te basileia o te Atua ra.* (Ioane 3:5)

Ua haāpii-noa-hia teie faaueraa e te mau peropheta atoa, e ua faaite-papu-roa-hia mai te huru o te baptizoraa e te tuutuū ore hoi o taua ture nei e Iesu Mesia a faaea ai oia i nia i te ao nei.

Ua haere maira Iesu i Ioridana mai Galilea mai ia baptizohia oia e Ioane. Faaroo atura ra Ioane, na o atura, O vau hoi ta oe e baptizo e tia'i, e te haere mai na oe ia'u nei! Ua parau maira Iesu ia'na, na o maira, A tuu noa mai na: e na reira hoi tatou i te faatia i te mau parau-tia atoa e au ai. Ua tuu atura oia. E oti a'era Iesu i te baptizohia, haere atura oia i nia mai raro mai i te pape. (Mataio 3:13-16)

Te faaroo nei matou e, ua baptizohia Iesu i raro i te pape no te mea te na o mai nei te irava e, *Haere atura oia i nia mai raro mai i te pape.* Te na o mai nei hoi te Ioane 3:23: *Te baptizo atoa ra Ioane i Salima, no te mea e rave rahi to reira pape, e ua haere maira te taata, e baptizohia ihora.*

Ua papai atu o Paulo i ta'na episetole i to Ephesia ra, *Hoê hoi Fatu, hoê faaroo, hoê baptizo.* (Ephesia 4:3) Hoê â te Atua i nanahi, i teie nei mahana e a muri noa'tu. Aita i tauihia to'na huru, e aita hoi i tauihia ta'na mau faaueraa. Ua baptizohia te Mesia i raro i te pape, e aita e tia i te taata nei ia faahuru-ê i te huru o te e'a ta'na i faaite mai, ei ravea ia o te taata atoa i roto i ta'na basileia.

Te Mau Uiraa: 1. Eaha te faufaa o te bapetizoraa ? 2. O vai te tia ia bapetizohia ? 3. No te aha Iesu i bapetizohia'i ? 4. Na vai Iesu i bapetizo ? 5. Ua bapetizohia Oia i hea ? 6. E tau anei te Atua i to'na huru ? 8. E tau anei te Atua i ta'na mau ture ?

Haapiiraa Toru No Nia I

TE BAPETIZORAA

PARAU TUMU: Te faaroo nei matou e, o taua mau faaue-raa ra—(2) te tatarahapa ia—.

Ia parau tatou e aita â tatou e hara, te haavare nei tatou ia tatou iho, e aore te parau mau i roto ia tatou nei. Ia fa'i ra tatou i ta tatou hara, e parau mau ta te Atua e te tia i te faa-oreraa mai i ta tatou hara, e te tamâraa ia tatou i te mau parau tia ore atoa. (1 Ioane 1:8, 9)

O te huru ia o te mau taata'toa a faaea'i ratou i te pae tino nei, i te rave riiraa i te mau mea au ore i te ture, e maitai noa'tu te taata e rave â oia i te hape i tera taime e i tera taime. *Aita mau e taata parau-tia i te fenua nei, o tei rave i te parau maita'i e aore roa e hara. (Kohéleta 7:20)*

No to te Atua iteraa i te paruparu o te tino tahuti nei, ua faaineine Oia i te ravea e faarue ai te taata i te ohipa au ore e rave faahou ai i te ohipa maitai. E taua ravea ta'na i faaineine ra, o te tatarahapa ia. Ia haapao te mau taata hara i te tatarahapa e tia'i, no te mea, ua faaite mai te hoê peropheta e, *O tei tapo'i i ta'na hara, e ore ia e maitai; o tei fa'i ra e ua faarue, e arohahia ia. (Maseli 28:13)*

I te faaineineraa no te tomoraa i roto i te basileia o te Atua e te basileia o te ao atoa hoi, na mua te tatarahapa e na muri te bapetizoraa. *A tatarahapa; ia ore outou ia tatarahapa, e ore roa outou e parahi i te basileia o te ao. (Alama 5:51)*

Na huru tatarahapa e piti e vai nei, oia hoi, te tatarahapa mau e te tatarahapa haavare, e na teie e ite ai tatou nei e ua tatarahapa mau te hoê taata i ta'na ra mau hara, ia fa'i mai oia i te reira e e haapae ê roa'tu hoi. (Mataio 3:8)

Ia tatarahapa te taata i teie nei e tia'i. E ere ia te mea tia ia hunahia te hara i roto ia oe iho, no te mea, e faarahihia te mau fifi no taua hara ra. *O te haerea ra o te feia rave hara ra, e mea etaeta ia. (Maseli 13:15) E haapae atu i te mau mea huru rii ino ra. (1 Tesalonia 5:22)*

Te Mau Uiraa: 1. Eaha na huru tatarahapa e piti? 2. Eaha te tatarahapa haavare? 3. Nahea tatou e ite ai e, ua tatarahapa mau te hoê taata i ta'na mau hara? 4. O vai te hara? O te tapo'i i ta'na hara, e ore ia e aha? 6. Tei ia vai te mana no te faaoreraa i te hara? 7. Eaha te taima e aha? 8. Eaha te huru o te haerea o te feia rave hara?

Haapiiraa Maha No Nia I Te

TE TUURAA I TE RIMA

PARAU TUMU: Te faaroo nei matou e, o taua mau faaueraa ra,—(4) te tuuraa o te rima ia no te horoaraa'tu i te Varua Maitai.

I to Ioane Baptizo poro haereraa i te medebara ra, ua na o maira oia e, *O vai nei, te baptizo nei ia outou i te pape ia tatarahapa outou, oia ra, o te haere mai i muri iho ia'u, e mana rahi ta'na i to'u, e ore au e au ia hopoi i to'na tamaa; e baptizo ia oia ia outou i te Varua Maitai e te auahi.* (Matiaio 3:11)

Ua tai'o a'enei tatou i ta Iesu parau ia Nikodemo no te fanau faahou-raa i te pape e te varua; ia ore te taata e farii i te reira, eita oia e ô i roto i te basileia. Ua faaite atoa mai Iesu e, e tonono mai te Atua i te Faaa'o na muri a'e i to'na faaueraa i teie nei ao. Na'u hoi e ani atu i te Metua ra, e na'na e horoa mai i te tahi Faaa'o ia outou, ia parahi mai oia e a muri noa'tu i o outou nei. O te Varua parau mau ra, o te ore e fariiha mai e te ao nei ra, no te mea aore i hi'o ia'na aore hoi i ite ia'na, e ite ra outou nei, e ei roto hoi ia outou. (Ioane 14:16-17)

Ua tae mai ihoa taua Varua Maitai i ta Iesu mau pipi i te mahana Penetekose matamua na muri a'e i to Iesu poheraa. I taua taima ra ua haruru maira te hoê mata'i rahi mai te ra'i mai, E i a'era ratou atoa i te Varua Maitai, ua parau ihora i te parau eê, i ta te Varua i horoa mai te parau ia ratou ra. (Ohipa 2:1-4)

O te Varua Maitai, o te Faaa'o ia,, e teie ia ta'na mau ohipa, oia hoi, ia *haapii i te mau mea atoa*, (Ioane 14:26) 'ia faaite i te Metua e te Tamaiti', (Ioane 15:26) e ia tauturu noa i te taata parau-tia.

E farii ihoa te taata i te Varua Maitai na roto i te tuuraa i te rima, e eita e tia i te mau taata atoa ia farii i te reira. Ua tuu atura raua i to raua rima i nia iho ia ratou, noa ihora te Varua Maitai ia ratou ra. (Ohipa 8:17) Ua parau atura Petero ia'na, Ia reva atoa'tu ta oe moni e o oe atoa i te pohe, o oe i mana'o e, e horoa ta te Atua i horoa noa maira i te moni. (Ohipa 8:20)

Te
2. E f
4. Eak
ai? (C
nei te

E a
rau ou
to outo

Mati

N
N
faai
re:
e pi

Mati

N
hina
pha

Mati

U
i na

Mati

Ia
ai.

Aor
i moe
Mati

Te Mau Uiraa: 1. Eaha ta Ioane parau no nia i te Varua Maitai ?
 2. E farii te taata i te Varua Maitai na roto i te aha ? 3. Eaha te Faaa'o ?
 4. Eaha te ohipa o te Varua Maitai ? 5. I nafea te Varua Maitai i tae mai ai ?
 6. E mea tia anei ia hoo te taata i te Varua Maitai ? 7. Te horoahia nei te Varua Maitai ia vai ?

HAAPIIRAA SABATI

No te Ava'e MATI

PUPU PARAIMERE

Irava tamau aa: *Iakobo 1:2,3*

E au mau taeae ra, ia roohia outou e te ati e rave rahi te huru ra, a parau outou e, e mea oaoa ana'e ia. Ua ite hoi outou e, na taua tamataraa i to outou faaroo e faatupu i te faaoromai tamau.

Haapiiraa

(E hi'o te Orometua i te api 29)

Mati 5. To Iosepha faainoraahia e to'na mau tuaana. (Genese 37:2-35)

No te feii o to'na mau tuaana i na reirahia'i oia ra.

Na tumu rahi e 3 i feiihia'i oia ra: (1) te here pae tahi a te papa tei faaite-papu-hia a horoa'i oia i te ahū nehehehe e a tapeahia'i oia i te fare: (2) no to'na iho hape a faaite ai oia i ta'na na moemoea faaahaaha e piti: (3) no te mea e mau tuaana huru feii e te mana'o iino ihoa ta'na.

Mati 12. Ua mau i te fare tapearaa. (Genese 39:1-37)

Na te Orometua e faaairo i teie aamu ei faatupuraa i to te mau tamarii hinaaro ia riro ratou ei mau feia tamau i te haapao maitai, mai ia Iosepha, noa'tu te mau faahemaraa.

Mati 19. A vai ai oia i te tapearaa. Genese(39:20-23; 40:1-22)

Ua aha te tiai tapearaa ia'na ? Na moemoea e piti, e ta Iosepha aniraa i na rave ohipa, ia faaora noahia'tu raua.

Mati 26. Hi'opoaraa.

Ia faaairohia teie aamu o Iosepha nei ei haapiiraa hoho'a vava e maitai ai. Na te mau tamarii e rave i te mau tufaa ma te paraparau ore.

PUPU PITI

Irava tamau aa: *Amosa 3:7*

Aore a te Fatu ra a Iehova e peu i rave maori ra ia faaite i ta'na parau i moe i ta'na ra mau tavini i te mau peropheta.

Mati 5. Te faaueraa ia Lehi ia rave i to'na utuafare e haere atu i te medebara. I Nephi 1; 2.

" 12. Te titauraa i te papaa parau ia Labana

" 3; 4.

” 19. Te ho‘i-faahou-raa o Nephi i Ierusalemia ia aratai mai ia Ise-maela i te medebara. I Nephi p. 7.

” 26. Hi‘opoaraa.

PUPU TORU e te MAHA

Irava tamau aau: *Helamana 8:25*

Inaha ra, ua faarue outou i te parau mau, e ua faarue i te Atua mo‘a; e i teie nei taime, aita outou e haapue i te tao‘a na outou i te ao ra, i te vahi e ore e ino ai i te hoê mea, e e ore hoi e tomo mai ai te mea viivii ra, te haapue noa ra râ outou i te riri no outou iho i te mahana haavaraa.

Haapiiraa

Mati te 5. To Nephi tohuraa ri‘ari‘a no nia i te mau taata faaturi. *Helamana p. 8.*

” 12. To Nephi faahaparaahia no te taparahiraahia o te haava. ” 9.

” 19. Ua horoa maira te Atua i te mana rahi roa ia Nephi. ” 10.

” 26. Hi‘opoaraa.

HAAPIIRAA PARAIMERE

No te Ava‘e MATI

Irava tamau aau:

E here mau to‘u ia‘na, oia hoi to‘u mama. E tauturu maitai â vau ia‘na, i teie nei mahana.

(E rave i te Faaho‘iraa no te himene N° 2, Te Mau Parau Aroha, ei reo aratai no te irava tamau aau)

IA ORA TE MAU HAAPIIRAA

EI PARAU TAUTURU NA TE MAU OROMETUA

E toru mea faufaa rahi tei roto i te taata, te ivi, te i‘o e te varua. Te mau ivi, o te turu ia o te tino; te i‘o, o te taura tuati ia o te mau ivi e te faaneheheraa o te tino; e te varua ra, o to te taata iho huru ia. Ia tuatihia te mau ivi i to ratou vairaa mau e te i‘o, e ia mau te varua i roto ra, ua ora ia te taata i reira. Ia ore râ te hoê o teie na mea e toru ra, ua pohe ia oia.

Hoê â huru te haapiiraa. E ivi to'na, e te i'o, e te varua hoi, e ia mau teie nau mea faufaa i roto i te haapiiraa, ua ora ia i reira.

Tei raro a'e i te mau haapiiraa atoa to ratou mau ivi; te i'o ra, oia hoi, te aamu e a ore ra te mau irava tauturu, na te orometua iho e rave mai i te reira ma te tai'o-pinepine-raa i te haapiiraa; o ratou ia te mau taura tuati no te mau ivi; no reira, ia tuatihia, ia ratou, te mau parau i raro a'e i te mau haapiiraa e tia'i.

Na hea te varua o te haapiiraa? O oia ia te mea fifi roa no te orometua, no te mea, no roto mai te reira ia'na iho ia. No te oreraa o te reira mea, ua maniania noa te haapiiraa, no te mea o oia ia te haaputa i te mana'o o te mau pîpî. E mea varavara roa te orometua tei manuia i te reira vahi. Ia itehia ra taua huru orometua ra, e itehia hoi te mau pîpî ma te mata araara, e e parahi hoi raton ma te hautiuti ore e te anaanatae rahi. Ia haapao te orometua i tei papaihia i raro nei e tauturuhia oia i te tuuraa i te varua o te haapiiraa i roto ra.

A faaau ta oe haapiiraa i te huru o ta oe mau pîpî; mai te mea e mau tamarii ratou, eiaha ia hohonu te mau mana'o e a ore ra, te mau uiraa. Ia faaitehia hoi na roto i te mau parau fifi ore.

E ia faatia oe i te hoê aamu, a faariro oe ia oe iho mai te taata o tei ite mata i te tupuraa o te mau ohipa, oia hoi, a faatia i te reira i ta oe iho parau e ma te aau anaanatae maitai.

Ia ite te orometua i teie: e ere ta'na mau pîpî i te tîtî, e mau varua ra na te Atua.

NA NA TUAHINE HAHAEERE

PARAU EVANELIA NO TE MAU UTUAFARE

Te Haapaoraa i te Vai-maitai-raa o Vetahi E Ra.

O te haapao ia vetahi ê ra e to'na vai-maitai-raa, o oia te roaa ia'na te hoê tao'a faufaa faito ore—oia te tauaraa. E aha hoi te taua, maori ra o oia te haapao i te vai-maitai-raa o to'na hoa. E poro haere anei te taua i te parau faaino no to'na hoa. E faarue anei te taua mau i to'na hoa i roto i to'

na mau ati.

O te hinaaro i te taua, ia riro oia iho ei taua na roto i te haapao i te vai-maitai-raa o vetahi ê ra, e na roto hoi ite tauturu. Ia ite atoa oia e te vai ra te hinaaro e te mana'o o vetahi ê ra, ia haapaohia ia te reira i te tahi mau taime e maitai ai.

Tei roto i te Buka a Moromona te parau a te hoê perophe-ta tahito, o Mosia to'na i'oa, tei na ô mai e,—*Ia ite outou e, a tavini ai outou i te taata nei, te tavini ra ia outou i to outou Atua ra.*

Ua haapii anei Iesu ia haapao noa tatou ia tatou iho? (A tai'o i te Mataio 16:24-26.)

Nahea te taata haapao noa i ta'na iho mau ohipa, e aita ta'na e taime no te ohipa a te Atua? E taua anei oia na te Atua?

Ia feruri tatou i nia i tei papaihia i te Iakobo 3:1.


NO TE AHA?

E tuatiraa no te api 17

E nahea tatou e tamatahia'i, maori ra na roto i te mau faa-hemaraa?

Na roto hoi i te faahemaraa a te Diabolo e faataahia'i ta tatou mau utua tia mau, no te mea eita tatou atoa e faautu-ahia i na utua e piti ana'e ra mai tei mana'ohia e te tahi pae. Eita roa'tu. E haava parau tia te haava mai ia tatou ia tae i taua mahana ra, o Iesu iho ia; e no reira, e faaauhia ta tatou iho mau utua i ta tatou iho mau ohipa, mai tei papai-hia i roto i te Mataio 16:28. No reira ua riro te mau faahe-maraa ei ravea na Iesu ia ite oia i ta tatou utua tia.

E no reira, o teie ia te pahonora a i ta tatou mau *No te aha*: I faahemahia tatou, e te faahemahia nei, e e faahemahia â hoi no te mea e, o te opuaraa ia a to tatou Metua.



Te I
ri a'ene
hoê tuf
ropa, fa
nich'''.
ana, ei r
hia i re
ma'i, m
ratou ih

Fara
i to Ital
rani, i r
i mairi
nua aih
ravea ?
mea e h
Italia e

Bare
oia e ite
ru milio

Pani
hi'o tam
rahi ho'
rutia i t
e, ia vî t
te tahi a
No to'n
ti a'enei

Amer
tama'i.
faahaur
māta'u o
oia i te r
ratou i r
maua te
(7.000,0
mau vah

Tapo
Marite i
hoê nuu
ratou. T
tama'i n.

TE MAU PARAU API

Te Huru O Te Mau Nunaa. No to Hitler manuiaraa i na tau i mairi a'enei i te haruraa i te fenua ra Oserita, tamata'tura oia i te haru i te hoê tufaa no te fenua Techeko Solovakia. Putuputu ibora te mau hau Europa, faatia a'era i te hoê parau faaau tei parauhia te "Faaaauraa no Munich". Ua faatiahia i reira ia rave Hitler i taua tufaa fenua i hinaarohia e ana, ei ravea ia ia faahaubhia te mau nunaa Europa. Aita ra ratou i faahaubhia i reira. Hamani-faarahi a'era râ te mau hau i ta ratou mau mauhaa tama'i, mai te mea ra e, te mätä'u ra ratou o te tamata Hitler i te haru i to ratou iho mau fenua.

Farani. Te ite nei te Hau Farani e, e ohipa hopea ore te haamaharaa i to Italia poia rahi i te fenua. No to'na hinaaro rahi i te hau, ua farii o Farani, i na ava'e i mairi a'enei, i to Italia haaviraa ia Etiopia i na matahiti i mairi a'enei: titau atura o Italia ia horoa noa o Farani i to'na iho mau fenua aihua raau i Aferika apatoerau, ei faufaa na'na ra. E aha ta Farani ravea? Faaite atura oia e, e tama'i oia na mua. Aitu'tu e ravea. Mai te mea e horoa noa oia i te taatoaraa o to'na iho fenua, eita â ia te poia rahi o Italia e maha.

Baretane: Te faaite mai nei Baretane e, ia tupu noa'tu te tama'i, eita oia e itehia i te taotora; e tia ia'na ia faaineine i na faehau ra e piti ahuru milioni (20,000,000).

Paniora. Tei nia i te hau Paniora te mau mata o to te ao atoa nei i te hi'o tamau-noa-raa, ma te ite papu ore i te huru o to'na hopea, e te mätä'u rahi ho'i i te faatupubhia i taua hopea ra ia itehia: no te mea na Italia e Purutia i tauturu noa ia Franco e te mätä'u nei te mau fenua Repupirita atoa e, ia vî te Hau Paniora ia Franco, e amui oia ia rava e e haru haere ratou i te tahi atu â mau fenua. Ua fatata roa te pae o te Hau i te pau ia Franco. No to'na ite papu e vî ia'na te oire rahi a te Hau ra, o Barcelona, ua maiti a'enei oia i te tavana no taua oire ra.

Amerika. I teie nei to te mau fenua Marite faaineineraa no te ohipa tama'i. Ua tiaturi noa te Hau Marite e, e manuia te mau hau Europa i te faahauraa i to ratou mau peapea. I teie nei ra te feaa nei oia; e no to'na mätä'u o te arohia mai oia a vai ai oia ma te ineine ore, ua haaputuputu oia i te mau hau atoa o te fenua Amerika i roto i te hoê amuiraa. Ua opua ratou i reira e faaineine e e faarahi i ta ratou mau mauhaa tama'i. E haamaua te Hau Marite ana'e ra i te moni ra e hitu bilioni tara moni farani (7,000,000,000) ei faaneheneheraa i te reira mau ohipa e te hamaniraa i te mau vahi tauraa pahi reva tama'i e ati noa'e to'na fenua.

Tapone. Te inoino nei te Tapone i te mea e, te faanehenehe nei te Hau Marite i te motu ra o Guam, tei p'ri i te fenua Tapone, ei vahi vairaa no te hoê nuu pahi reva tama'i. Te mana'o nei oia e, e tama'i atu te Marite ia ratou. Te mârô atoa nei oia e, te haamaoro nei te Marite e te Baretane i te tama'i na roto i te horoa tarahu atu i te moni i te Hau Tinito.

Ua Patoihia e Pae Milioni Tara. Ahiri e ua faatia o taote Defoe ia haere te na pu-pae tuiroo no Canada i te hoê hi'opoaraa rahi roa o te mau mea maere o te ao atoa nei, ua horoahia ia ia'na te moni ra e pae milioni tara moni farani. (Na te mau taata faatere no te hi'opoaraa e aufau). Ua hinaarohia ratou i reira no te umeraa mai i te mau taata e rave rahi o te hinaaro i te mataitai ia ratou. Ua parau atura taote Defoe e, Aita. Ua mātā'u oia ia haere ratou o te mā'ihia te hoê no ratou.

Ua tupu. E rave rahi roa te mau manihini i te aua hiero i Roto. Miti i te mau matahiti atoa. I reira ratou i aratai-faaite-haere-hia e te mau aratai no te aua hiero. I reira hoi ratou i haapiihia i te huru o te haaparahi-faa-hou-raahia o te Ekalesia a Iesu Mesia i te mau mahana hopea nei.

E riro ia tae i te mau mahana hopea ra, e faatihia'i te nou'a ra o te fare o Iehova i nia i te tupuai mou'a, e faateiteihia ia i nia i te mau aivi: e tairuru atoa mai te mau etene i reira. E rave rahi te fenua e haere—i te hiero o te Atua.

MIKA 4:1-2.

(48) ia. Ua hoohia i reira e pae hanere e maha ahuru aore (540) Buka a Moromona e e hoê hanere e toru ahuru ma piti [132] buka tuatapaparaa ia ratou.

Parau Apî Hopea Roa Mau, tei fariihia a papaihia'i te mau parau i nia nei: Ua tae roa o Franco i Barcelona; aita te hoê ofai i pupuhia; ua tahe ra te roimata poupu o te mau taata no to ratou iteraa e, ua fatata to ratou tama'i ri'ari'a i te faaea. Faaamuhia ihora ratou i te faraoa nouo.—Titau faahou-hia to Farani mau fenua aihua raau e Italia. Pahono atura o Farani e, Aita roa'tu! E mai te mea e tamata Italia raua o Purutia i te haru i te fenua Paniora e faatupu oia i te tama'i. Parau ihora te Baretane e, na ratou e tauturu ia Farani i reira.—Ua hamani ino-hia te atî Iuda i Mexico, vavahihia to ratou mau fare toa — Te faaite mai nei Tapone i to'na au oreraa ia Baretane e Farani.—Ua faaite Musolini i te mau pîpî no te haapiiraa teitei no Italia e, i te toparaa o te Hau Paniora, o te haamataraa ana'e ia i te hamani-faahou-raa o Europa.

Te hoo o teie nei ve'a:

E pae farane i te matahiti hoê;

E hoê ahuru farane no na matahiti e toru.

Neneihia i roto i te Piha Neneiraa a te Ekalesia a Iesu Mesia

I Te Feia Mo'a Te Mau Mahana Hopea Nei.

Papeete, Tahiti.

Marcel Bonnet Gérant

Kenneth R. Stevens, Imprimeur.

Rue Dumont d'Urville, Orovini, Papeete, Tahiti.